

四庫全書

經部

欽定四庫全書

左傳杜林合注卷四十二

明 王道焜

趙如源 同編

昭公九

經

乙酉

二十有六年春王正月葬宋元公

三月而葬速

○三月

公至自齊居于鄆。夏公圍成

杜成孟氏邑不膏齊師帥賤衆少重在公

○

秋公會齊侯莒子邾子杞伯盟于鄆陵

杜鄆陵地闕林此參盟也參盟

自齊桓以來未之有也於是再見其再見何晉不復主盟矣十六年齊徐莒邾嘗盟於蒲隧十九年宋邾鄉徐

嘗盟于蟲則諸侯有不待伯主而自盟會者矣於是書以晉之不復主盟也晉不復主盟而後齊專盟矣。郭

音公至自會居于鄆

無傳

○九月庚申楚子居卒

杜未同

盟而赴

以名林平王卒子昭王軫立

○冬十月天王入于成周

杜傳言王入在子朝奔後

經在前者子朝來告晚林言始得京師也昔者惠王出入皆不書襄王雖書出猶不書入也於是悼王自望敬王自狄泉則曷為皆書入幸之也王室亂矣入無足諱焉爾于成周猶未得王都也尹氏召伯毛

伯以王子朝奔楚

杜召伯當言召氏經誤也尹召族奔非一人故言氏書奔在王入下者王

入乃告諸侯林尹氏獨欲立子朝耳以二卿序尹氏之下則從之者而已

傳二十六年春王正月庚申齊侯取鄆

前年已取鄆至是乃發傳者為

公處  
鄆起

○葬宋元公如先君禮也

善宋人違命以合禮

○三月公至

自齊處于鄆言魯地也

魯竟故書至猶在外故書地

夏齊侯將納公

命無受魯貨由豐從女賈

豐賈二八皆季氏家臣。女音汝

以幣錦二

兩

杜二丈為一端二端為一兩所謂匹也二兩二匹

縛一如瑱

杜瑱充月縛卷也急卷使如充

耳易懷藏。縛直轉反瑱他殿反

適齊師謂子猶之人高齎

杜齎子猶家臣子猶

梁丘據

○能貨子猶為高氏後粟五千庾

杜言若能為我行貨於子

猶當為請使得為高氏後又當致粟五千庾庾十六斗凡八千斛

高齎以錦示子猶子

猶欲之齎曰魯人買之百兩一布以道之不通先入幣

財

杜言魯人買此甚多布陳之以百兩為數林財猶材也言以此二兩為先幣蓋許賂子猶以百兩

子

猶受之言於齊侯曰羣臣不盡力于魯君者非不能事

君也

杜欲行其說故先示欲盡力納魯君

然據有異焉

杜異猶怪也

宋元公為

魯君如晉卒于曲棘

林在前年。為于偽反。

叔孫昭子求納其君

無疾而死

林亦在前年

不知天之棄魯邪抑魯君有罪於鬼

神故及此也君若待于曲棘使羣臣從魯君以卜焉

杜卜

知可伐否

若可師有濟也君而繼之茲無敵矣若其無成君

無辱焉齊侯從之使公子鉏帥師從公

杜鉏齊大夫林使從魯公伐魯

成大夫公孫朝謂平子曰有都以衛國也請我受師成林

孟氏邑言國之有都邑將以為國之屏衛也請以成邑禦齊師許之請納質杜恐見疑

弗許曰信女足矣告于齊師曰孟氏魯之敝室也杜敝壞也

音汝用成已甚弗能忍也林用成之力彫敝已甚不能復堪忍受請息肩

于齊杜公孫朝詐齊師言欲降使來取成齊師圍成成人伐齊師之飲馬

于淄者曰將以厭衆杜以厭衆心不欲使知已降也淄水出泰山梁父縣西北入汶○飲

於鴟反厭於丹反又於葉反魯成備而後告林待魯人守備既成而後告齊師曰不

勝衆林言衆不欲降已不能勝○勝音升又始證反師及齊師戰于炊鼻杜李氏師

距公非公命則不書收  
鼻魯地。○炊昌垂反

齊子淵捷從洩聲子

林聲子魯大夫齊子

淵捷達之。○洩息列反

射之中楯瓦

无楯脊。射食亦反下同中丁仲反下同楯常允反又音

允 繇胸汰輶七入者三寸

杜八楯瓦也胸車輶輶車輶繇過也汰矢激七矢鏃也。○

繇音由胸其俱反汰他達反也必履反

聲子射其馬斬鞅殪改駕人以爲

駸戾也而助之

林在腹曰鞅聲子射淵捷之馬斬其係腹之鞅馬死淵捷改駕他馬魯人不識

淵捷誤以爲駸戾而助之杜人魯人也駸戾叔孫氏司馬

子車曰齊人也

子車即將淵捷

擊子車

林魯人之先助淵捷者知其誤將擊之

子車射之殪其御曰又之

又欲使射餘人

子車曰衆可懼也而不可怒也

林言衆人之衆可以射恐之而

不可屢射  
激之使怒

子囊帶從野洩叱之

囊帶齊大夫  
野洩即聲子

洩曰軍無

私怒報乃私也將亢子

杜欲以公戰禦之  
不欲私報其叱

又叱之

杜子  
囊復

叱亦叱之

野洩亦叱也言齊  
無戰心但相叱

冉豎射陳武子中手

林冉  
豎季

氏臣陳武子  
即陳子彊

失弓而罵

杜武  
子罵

以告平子曰有君子白皙

鬢鬚眉甚口

林甚有口辨  
鬢之恐反黑也

平子曰必子彊也毋乃亢

諸

杜子彊武子字林言無  
乃亢禦之以致其怒

對曰謂之君子何敢亢之

杜  
偽

言不敢  
違季氏

林雍羞為顏鳴右下

林皆魚人羞為  
右故下車戰

苑何忌取

其耳

何忌齊大夫不欲殺  
雍但截其耳以辱之

顏鳴去之

杜其右見獲  
懼而去之

苑子



之御曰視下顧

復欲使苑子擊其足

苑子刺林雍斷其足鑿而乘

於他車以歸

鑿一足行。刺芳弗反說文云擊也。又父勿反斷丁管反鑿違政反又音磬

顏

鳴三入齊師呼曰林雍乘

林呼林雍共戴杜言魯人皆致力於季氏不以私怨而相

棄。乘繩證反

○四月單子如晉告急五月戊午劉人敗王城

之師于尸氏

杜劉人劉蚩之屬王城子朝之徒尸氏在鞏縣西南偃師城

戊辰王城

人劉人戰于施谷劉師敗績

施谷周地

○秋盟于鄆陵謀納

公也

杜齊侯謀

○七月己巳劉子以王出

杜師敗懼而出

庚午次于

渠

渠周地

王城人焚劉

杜燒劉子邑

丙子王宿于褚氏

杜洛陽縣南有

褚氏亭。○  
褚張呂反。丁丑王次于萑谷庚辰王入于胥靡辛巳王

次于滑

杜萑谷胥靡滑皆周地胥靡滑本鄭邑。萑音九。

晉知躒趙鞅帥師納

王使女寬守闕塞

女寬晉大夫闕塞洛陽西南伊闕口也守之備子朝。知音智躒音歷女

音汝塞索代反。

○九月楚平王卒令尹子常欲立子西

杜子西平王之

長庶曰大子壬弱其母非適也

杜壬昭王也適丁歷反。

王子建實聘

之

林本王子建所聘而平王奪之也。

子西長而好善立長則順建善則

治王順國治可不務乎子西怒曰是亂國而惡君王也

林廢嫡立庶是亂楚國之政言王子建聘之是彰平王之惡。○長丁文反好呼報反。國有外援不

可瀆也

杜外援秦也瀆慢也

王有適嗣不可亂也敗親速讐

杜不立士

秦將來討是速讐也

亂嗣不祥我受其名

杜受惡名

賂我以天下吾滋

不從也

杜滋益也

楚國何為必殺令尹令尹懼乃立昭王○

冬十月丙申王起師于滑

杜起發也

辛丑在郊

郊子朝邑

遂次于

尸十一月辛酉晉師克鞏

杜知躒趙鞅之師

召伯盈逐王子朝

伯盈本黨子朝晉師克鞏知子朝不成更逐之而逆敬王

王子朝及召氏之族毛伯

得尹氏固南宮嚚奉周之典籍以奔楚

召尹二族皆奔故稱氏重見尹

固名者為後還見殺

陰忌奔莒以叛

陰忌子朝黨莒周邑

召伯逆王于尸及

劉子單子盟

名伯新還故盟

遂軍圍澤次于隄上

杜圉澤隄上皆周地○隄

音低或音啼

癸酉王入于成周

成周今洛陽

甲戌盟于襄宮

襄王之廟

晉師使成公般戍周而還

杜般晉大夫○般音班

十二月癸未王

入于莊宮

莊宮在王城

王子朝使告于諸侯曰昔武王克殷

成王靖四方康王息民並建母弟以藩屏周亦曰吾無

專享文武之功

杜不敢專故建母弟

且為後人之迷敗傾覆而溺

入于難則振救之至于夷王王愆于厥身

杜夷王厲王父也愆惡疾

也○覆芳服反難乃旦反

諸侯莫不並走其望以祈王身

林諸侯莫不徧走禱

祀羣望之神以祈王疾之瘳

至于厲王王心戾虐萬民弗忍居王于

蕝

杜人不忍害王也厲王之末周人流王于蕝○蕝直例反

諸侯釋位以間王政杜間

猶與也去其位與治王之政事號曰共和○間間廁之間

宣王有志

而後效官

林宣王厲王子蕝之亂宣王尚少召公虎取而長之有志言長而有立志也效授也二公

乃共立之而授其官政於王

至于幽王天不弔周王昏不若用愆厥

位

杜幽王宣王子若順也愆失也

攜王好命諸侯替之而建王嗣用遷

邠

杜攜王幽王少子伯服也王嗣宜曰也幽王后申姜生太子宜曰王幸褒姒生伯服欲立之而殺大

子太子奔申申伯與鄩及西戎伐周戰于戲幽王死諸侯廢伯服而立宜曰是為平王東遷邠○攜戶圭反

奸音干  
下同

則是兄弟之能用力於王室也至于惠王天不

靖周生頹禍心施于叔帶惠襄辟難越去王都

杜惠王平王六

世孫頹惠王庶叔也莊十九年作亂惠王適鄭襄王惠

王子叔帶襄王弟僖二十四年叔帶作難襄王處汜○

頹徒回反施以

敗反難乃旦反則有晉鄭咸黜不端

杜黜去也晉文殺叔帶鄭厲殺子頹

為王室去不端直之人

以綏定王家則是兄弟之能率先王之命

也在定王六年秦人降妖

杜定王襄王孫定王六年魯宣八年林衣服歌謠草木之

怪謂之妖此蓋妖言降秦也

曰周其有頹王

林頹口上鬚也言周當有王生而有頹○頹子

斯反亦克能修其職諸侯服享二世共職

杜二世謂靈王景○共音恭

室其有間王位諸侯不圖而受其亂災

杜間王位謂子朝也今子朝以

為王猛受亂災謂楚也今子朝以為晉○間間廁之間下同

至于靈王生而有顏

靈王

定王孫

王甚神聖無惡於諸侯靈王景王克終其世

景王靈王

子今王室亂單旗劉狄剝亂天下壹行不若

杜單旗穆公也劉狄

劉食也壹專也林專一行此不順之事

謂先王何常之有

言先王無常法

唯余心

所命

林唯我心所欲則命以為君

其誰敢討之帥羣不弔之人

弔至也○

弔如字舊丁歷反

以行亂于王室侵欲無厭規求無度貫瀆鬼

神

杜貫習也瀆易也○厭於鹽反貫古患反

慢棄刑法倍奸齊盟傲狠威儀

矯誣先王

林傲情狼戾以為一身之威儀矯詐誣罔以干先王之命令。倍音佩。

晉為不

道是攝是贊

杜攝持也贊佐也先王謂景王

思肆其罔極

杜肆放也

茲不穀

震盪播越竄在荆蠻

杜茲此也此不穀子朝自謂

未有攸底

杜底至也攸所

也。底音旨

若我一二兄弟甥舅獎順天法無助狡獪以從

先王之命毋速天罰赦圖不穀

赦其憂而圖其難。毋音無

則所願

也敢盡布其腹心及先王之經而諸侯實深圖之

林而汝也

昔先王之命曰王后無適則擇立長年鈞以德德鈞以

卜

杜言王后若無嫡子則擇庶子之長者而立之年同則論其德之厚薄德同則論其卜之吉凶林此所謂



先王之經。○王不立愛公卿無私古之制也。穆后及太

適丁歷反

子壽早夭即世

在十五年

單劉贊私立少

林單子劉子贊助景王私意而立少

子以間先王

間錯先王之制

亦惟伯仲叔季圖之

伯仲叔季總謂諸侯閔

馬父聞子朝之辭曰文辭以行禮也子朝于景之命遠

晉之大以專其志無禮甚矣文辭何為

林閔馬父魯大夫杜傳終王室

亂。遠于萬反

○齊有彗星

杜出齊之分野不書魯不見。彗似歲反又息遂反

齊侯使

禳之

祭以禳除之

晏子曰無益也祇取誣焉

杜誣欺也

天道不詔

謫疑也

不貳其命

林禍福明白不可攜貳

若之何禳之且天之有彗

也以除穢也

林星象似帚故有除穢之象

君無穢德又何禳焉若德

之穢禳之何損

林雖使祭禳何損於禍

詩曰惟此文王小心翼翼

昭事上帝聿懷多福厥德不回以受方國

杜詩大雅翼翼共也聿惟

也同違也言文王德不違天人故四方之國歸往之

君無違德方國將至何患於

彗詩曰我無所監夏后及商用亂之故民卒流亡

杜逸詩也

言追監夏商之亡皆以亂故

若德回亂民將流亡祝史之為無能補

也公說乃止齊侯與晏子坐于路寢

林路寢齊君之正寢也○說音悅

公歎曰美哉室其誰有此乎

杜景公自知德不能久有國故歎也

晏子曰

敢問何謂也公曰吾以為在德對曰如君之言其陳氏

乎

林必陳氏代齊而有之也

陳氏雖無大德而有施於民豆區釜鍾

之數

林四升為豆四豆為區四區為釜釜十為鍾此公量也若陳氏私量五升為豆四豆為區四區為釜

鍾乃大矣詳見二年傳註○施式豉反下同區烏侯反

其取之公也薄

謂以公量收

其

施之民也厚

謂以私量貸○施如字又始豉反

公厚斂焉陳氏厚施焉

民歸之矣詩曰雖無德與女式歌且舞

杜詩小雅義取雖無大德要有

喜說之心欲歌舞之式用也○斂力驗反女音汝

陳氏之施民歌舞之矣後世

若少惰陳氏而不亡則國其國也已

林後世子孫若少怠惰不自強於德

政陳氏而不先亡則齊國必為陳氏之所有

公曰善哉是可若何對曰唯禮

可以已之在禮家施不及國民不遷農不移工賈不變

士不濫官不滔大夫不收公利

林大夫之家所施恩澤不得及於國人四民不

得遷改其業農主稼穡工治器用賈主賈遷各守常業為士者不濫失其職為官者不滔慢其事大夫不得作福以取人心。賈音古滔吐刀反。公曰善哉我不能矣吾今而後知禮

之可以為國也對曰禮之可以為國也久矣與天地並

有天地則禮義興

君令臣共父慈子孝兄愛弟敬夫和妻柔姑

慈婦聽禮也君令而不違臣共而不貳父慈而教子孝

而箴

杜箴諫也  
○共音恭

兄愛而友弟敬而順夫和而義妻柔而

正姑慈而從

杜從不  
自專

婦聽而婉

杜婉  
順也

禮之善物也公曰

善哉寡人今而後聞此禮之上也

林恨不早知此  
禮之可尊尚也

對曰

先王所稟於天地以為其民也是以先王上之

杜稟受也  
林為治也

經

丙戌

二十有七年春公如齊

自鄆  
行

公至自齊居于鄆○

夏四月吳弑其君僚

杜僚巫戰民罷又伐楚喪故光乘  
間而動稱國以弑罪在僚林僚弑

公子光立  
是為闔廬

○楚殺其大夫卻宛

杜無極楚之讒人宛所  
聞知而信近之以取敗

亡故書名罪宛○卻去逆  
反宛於阮反又於元反

○秋晉士鞅宋樂祁犂衛北

宮喜曹人邾人滕人會于扈

林外大夫自為會

○冬十月曹伯

午卒

杜無傳未同盟而赴以名林悼公卒弟聲公野立

○邾快來奔

杜無傳快邾命卿也

故書

○公如齊

自鄆行

公至自齊居于鄆

無傳

傳二十七年春公如齊公至自齊處于鄆

林前年齊取鄆以居也

言在外也

杜在外邑故書地

○吳子欲因楚喪而伐之

前年楚平王卒

使公子掩餘公子燭庸帥師圍潛

杜二子皆王僚母弟潛楚邑在廬江六縣

西使延州來季子聘于上國

杜季子本封延陵後復封州來故曰延州來林上國

即中國吳居水鄉故以中國為上國

遂聘于晉以觀諸侯

杜觀

楚莠尹然

工尹麋帥師救潛

杜二尹楚官然麋其名。麋九倫反。

左司馬沈尹戌帥

都君子與王馬之屬以濟師

杜都君子在都邑之士有復除者王馬之屬王之養

馬官屬校人也濟蓋也。戌音恤。

與吳師遇于窮令尹子常以舟師及

沙汭而還

沙水名。汭如銳反。

左尹卻宛工尹壽帥師至于潛吳

師不能退

林遇窮之師當吳之前至潛之師要吳之後楚師彊盛故吳不得退去

吳公子

光曰此時也弗可失也

杜欲因其師徒在外國不堪役以弑王

告鱣設諸

林鱣設諸二十年伍員所見勇士。鱣音專。

曰上國有言曰不索何獲我王

嗣也吾欲求之

林光吳王諸樊子故曰王嗣蓋壽夢生四子諸樊也餘祭也夷昧也季札也而

季札賢諸樊餘祭不以國與子而與弟凡為季子也季子不受則國宜及諸樊之子僚夷昧之子也越光而代札故光自言王嗣而欲求之事若克季子雖至不吾廢也

杜至謂聘還

鮪

設諸曰王可弑也母老子弱是無若我何

猶言我無若是何欲以老

弱託

光曰我爾身也

杜言我身猶爾身林言事汝母當如我母待汝子當如我子也

夏

四月光伏甲於堀室而享王

堀地為室。堀苦忽反。

王使甲坐於

道及其門

杜坐道邊至光門

門階戶席皆王親也夾之以鉞羞

者獻體改服於門外

林直門者直階者主戶者主席者皆王僚親密之人又夾之以鉞言

守衛嚴密羞進食也獻體解衣也進食者必解衣易服於門外防奸細也。鉞普皮反鉞也。

執羞者



坐行而入

杜坐行膝行也

執鉞者夾承之

林執鉞者二人夾承執羞者

及體

以相授也

杜鉞及進羞者體以所食授王

光偽足疾入于堀室

杜恐難作王黨

殺已素群之

縛設諸寘劍於魚中以進

杜全魚炙故可寘劍以進

抽劍刺

王鉞交於胷

杜交縛諸胷

遂弒王闔廬以其子為卿

杜闔廬光也以

縛諸子為卿

季子至曰苟先君無廢祀民人無廢主社稷有

奉國家無傾乃吾君也吾誰敢怨哀死事生以待天命

林哀王僚之死喪事闔廬之生存以待天命之自定

非我生亂立者從之先人之

道也

吳自諸樊以下兄弟相傳而不立適是亂由先人起也季子自知力不能討光故云爾

復命

哭墓

杜復使命於僚墓

復位而待

杜復本位待光命

吳公子掩餘奔徐

公子燭庸奔鍾吾

鍾吾小國

楚師聞吳亂而還

言聞吳亂明卻宛不取賂

而○卻宛直而和國人說之

林卻宛楚左尹以直事君以和接類○說音悅鄢

將師為右領

杜右領官名○鄢於晚反又烏戶反

與費無極比而惡之

杜惡

卻宛○費扶味反毗志反惡烏路反

令尹子常賄而信讒無極譖卻宛

焉謂子常曰子惡欲飲子酒

杜子惡卻宛林言卻宛欲為子常設宴○飲於鵠反

又謂子惡令尹欲飲酒於子氏

林言令尹欲飲酒於子家

子惡曰我

賤人也不足以辱令尹令尹將必來辱為患已甚吾無

以酬之若何

杜酬報獻

無極曰令尹好甲兵子出之吾擇焉

林出其家所有之甲兵為選擇取其佳者以進子常○好呼報反

取五甲五兵曰寘諸

門令尹至必觀之而從以酬之

林此以上四句皆無極辭

及享日惟

諸門左

林張帷陳甲兵其中

無極謂令尹曰吾幾禍子子惡將為

子不利甲在門矣子必無往且此役也

此春救潛之役

吳可以

得志子惡取賂焉而還又誤羣帥使退其師曰乘亂不

祥

林此曰字舉卻宛當時之辭○帥所類反

吳乘我喪

林此以下皆無極之辭

我乘其

亂不亦可乎令尹使視卻氏則有甲焉不往召鄢將師

而告之

杜告子惡門有甲兵將害已

將師退遂令攻卻氏且焚之

杜焚

燒也。藝如悅反

子惡聞之遂自殺也國人弗藝

林國人知其寃不肯燒其

家令曰不藝卻氏與之同罪或取一編管焉或取一秉

秆焉

杜編管苦也秉把也秆稾也管古顏反秆古但反木莖也

國人投之

杜國人投而棄

之遂弗藝也令尹炮之

炮燔卻寃炮步交反

盡滅卻氏之族黨

殺陽令終與其弟完及佗

杜令終陽勾子佗從河反

與晉陳及其

子弟

杜晉陳楚大夫皆卻氏之黨

晉陳之族呼於國曰鄆氏費氏

林鄆

將師費

無極

自以為王專禍楚國弱寡王室蒙王與令尹以

自利也

言蒙欺也

令尹盡信之矣國將如何令尹病之

為下殺無

極張本

○秋會于扈令戍周且謀納公也宋衛皆利納公

林宋衛二國與昭公相好皆以納公為利

固請之范獻子取貨於季孫謂司

城子梁與北宮貞子

林范獻子即士鞅杜子梁宋樂祁也貞子衛北宮喜

曰季孫

未知其罪而君伐之請囚請亡於是乎不獲

林謂請囚于費請以

五乘亡魯昭公皆不許

君又弗克而自出也夫豈無備而能出君

乎季氏之復天救之也休公徒之怒而啟叔孫氏之心

不然豈其伐人而說甲執冰以游

林復猶安也言其既危復安天意實救助

之休息公徒之忿怒而開導叔孫氏之心志苟不如此豈有以師致伐於人而其衆乃自解甲執箭箚教游之理○說他活反叔孫氏懼禍之濫而自同於季氏天之道也魯

君守齊三年而無成季氏甚得其民淮夷與之

杜淮夷魯東夷

有十年之備有齊楚之援

杜公雖在齊言齊不致力

有天之贊

林謂天救

之有民之助

林謂甚得其民

有堅守之心

林謂有十年之備

有列國之

權

林謂有齊楚之援

而弗敢宣也

林堅守臣節不敢宣用

事君如在國

書公

行告公至是也故鞅以為難二子皆圖國者也而欲納魯君鞅

之願也請從二子以圍魯無成死之

林亦不徒還以恐二子

二子

懼皆辭乃辭小國而以難復

杜以難納  
自晉君

○孟懿子陽貨

伐鄆

陽貨季氏家臣  
伐鄆欲奪公

鄆人將戰子家子曰天命不惱久

矣

杜惱疑也言  
棄君不疑

使君亡者必此衆也

言君據鄆衆以  
與魯戰必敗亡天

既禍之而自福也不亦難乎猶有鬼神此必敗也嗚呼

為無望也夫其死於此乎公使子家子如晉公徒敗于

且知

杜且知近鄆地也  
夫音扶且子餘反

○楚卻宛之難國言未已進

胙者莫不謗令尹

杜進胙國中祭祀也  
謗詛也○難乃且反

沈尹戌言於子

常曰夫左尹與中廢尹莫知其罪而子殺之以興謗讟

至于今不已

杜左尹卻宛也中廢尹陽令終

戍也惑之仁者殺人以掩

謗猶弗為也今吾子殺人以興謗而弗圖不亦異乎

仁林

者之人假使殺人可以掩息謗議尚不肯為此殺人利己之事今子常殺人以起謗議而不早自圖謀不亦異於仁者之所為乎夫無極楚之讒人也民莫不知去朝吳

在十五年

出蔡侯朱

在二十一年

喪大子建殺連尹奢

在二十年喪息浪反

屏

王之耳目使不聰明不然平王之溫惠共儉有過成莊

無不及焉所以不獲諸侯邇無極也

杜邇近也

今又殺三不

辜以興大謗

杜三不辜卻氏陽氏晉陳氏

幾及子矣子而不圖將焉



用之夫鄢將師矯子之命以滅三族國之良也而不愆

位

杜在位無愆過。幾音祈又音機焉於虔反

吳新有君

杜光新立也

疆場日駭

楚國若有大事子其危哉

林衆情不附恐生他變此危道也

知者除讒

以自安也今子愛讒以自危也甚矣其惑也子常曰是

瓦之皐敢不良圖九月己未子常殺費無極與鄢將師

盡滅其族以說于國謗言乃止

音智。知

○冬公如齊齊侯

請饗之

杜設饗禮

子家子曰朝夕立於其朝又何饗焉其飲

酒也乃飲酒使宰獻而請安

此公於大夫也禮君不敵臣晏大夫使宰為主獻獻

爵也請安齊侯請自安不在坐也

子仲之子曰重為齊侯夫人曰請使

重見

杜子仲魯公子慙也十二年謀逐季氏不能而奔齊今行飲酒禮而欲使重見從宴媒也○重直勇

反又直恭反見賢遍反

子家子乃以君出

辟齊夫人

○十二月晉籍秦

致諸侯之戍于周魯人辭以難

杜經所以不書戍周籍秦籍談子

經

丁亥

二十有八年春王三月葬曹悼公

無傳六月而葬緩

○公

如晉次于乾侯

杜乾侯在魏郡丘縣晉竟內邑

○夏四月丙戌鄭伯

寧卒

杜無傳未同盟而赴以名林定公卒獻公薨立

○六月葬鄭定公

無傳三月而葬

連

○秋七月癸巳滕子寧卒

杜無傳未同盟而赴以名林悼公卒頃公結立

冬葬滕悼公

無傳

傳二十八年春公如晉將如乾侯

齊侯卑公故適晉

子家子曰

有求於人而即其安人孰矜之其造於竟

杜欲使次於竟以待命○

造七報反

弗聽使請逆於晉晉人曰天禍魯國君淹恤在外

君亦不使一个辱在寡人

杜一个單使○个古賀反

而即安於甥舅

其亦使逆君

言自使齊逆君

使公復于竟而後逆之

杜逆著乾侯也言公

不能用于家所以見辱

○晉祁勝與鄔臧通室

杜二子祁盈家臣也通室易妻○鄔

於庶反

祁盈將執之

盈祁午之子

訪於司馬叔游

叔游司馬叔侯之子叔

游曰鄭書有之惡直醜正實蕃有徒

杜鄭書古書名也言害正直者實多

徒衆林醜亦惡也言世衰道微反以正直為醜惡實蕃多其徒衆已上兩句此出鄭書○惡如字又烏路反

無道立矣子懼不免

杜言世亂讒勝

詩曰民之多辟無自立辟

杜詩大雅林辟法也言民多僻邪之行當同流合汙無自立辟法以達於衆○多辟匹亦反立辟婢亦反姑

已若何

姑且也已止也

盈曰祁氏私有討國何有焉

杜言討家臣無與國

事遂執之祁勝賂荀躒荀躒為之言於晉侯晉侯執祁

盈

杜以其專戮為于偽反

祁盈之臣曰鈞將皆死

林鈞同也言三人同被執皆將

戮死愍使吾君聞勝與臧之死也以為快

杜愍發語之音也吾君謂祁盈

○慙魚

乃殺之夏六月晉殺祁盈及楊食我

楊叔向邑食我叔向

子伯石也

○食音嗣 食我祁盈之黨也而助亂故殺之遂滅祁氏

羊舌氏初叔向欲娶於申公巫臣氏

杜夏姬女也

其母欲娶

其黨

林叔向之母欲為叔向娶於母氏

叔向曰吾母多而庶鮮吾懲舅

氏矣

杜言父多妾媵而庶子鮮少嫌母氏性不曠

○鮮息淺反 其母曰子靈之妻殺

三夫

杜子靈巫臣妻夏姬也三夫陳御叔楚襄老及巫臣也時巫臣已死

一君

陳靈公

一子

夏微舒

而亡一國

陳兩卿矣

孔寧儀行父

可無懲乎吾聞之甚

美必有甚惡

林天地之理循環無窮故甚美者必有甚惡存乎其間

是鄭穆少妃

姚子之子子貉之妹也

林是謂夏姬杜子貉鄭靈公夷。少詩照反貉亡白反子

貉早死無後而天鍾美於是

杜是夏姬也鍾聚也子貉死在宣四年

將必

以是大有敗也昔有仍氏生女黥黑

杜有仍古諸侯也美髮為黥。黥之

忍反稠髮也

而甚美光可以鑑

髮膚光色可以照人

名曰玄妻

以髮黑故樂

正后夔取之

夔舜典樂之君長。取如字又七佳反

生伯封實有豕心貪

惛無厭忿類無期謂之封豕

杜類戾也封大也林因其名伯封謂之封豕。惛力

貍反麋於鹽反類立對反

有窮后羿滅之

林羿有窮君名篡夏后者

夔是以不祀

林言夔因取有仍之美女生子以致滅亡絕其祭祀

且三代之亡共子之廢皆是

物也

杜夏以妹喜殷以姐已周以褒姒三代所由亡也共子晉申生以驪姬廢○共音恭

女何以

為哉夫有尤物足以移人苟非德義則必有禍

杜尤異也○女

音汝叔向懼不敢取平公強使取之生伯石

林伯石即陽食我○取七

住反又如字

強其文反

伯石始生子容之母走謁諸姑

子容母叔向嫂伯華

妻也姑叔向母

曰長叔如生男

杜兄弟之妻相謂如○長叔謂叔向也○長丁丈反姑視

之及堂聞其聲而還曰是豺狼之聲也狼子野心林豺狼之

予山野之心不可馴服

非是莫喪羊舌氏矣遂弗視

喪息浪反

○秋晉

韓宣子卒

林即韓起

魏獻子為政

杜獻子魏舒

分祁氏之田以為

七縣

七縣鄆祁平陵梗陽塗水馬首孟也

分羊舌氏之田以為三縣

銅鞮平陽

楊氏

司馬彌牟為鄆大夫

杜大原鄆縣

賈辛為祁大夫

杜大原祁縣

司馬烏為平陵大夫魏戌為梗陽大夫

林戌魏舒庶子梗陽在大原晉

陽縣南○戊音茂

知徐吾為塗水大夫

林徐吾知盈孫塗水太原榆次縣○知音智

韓固為馬首大夫

固韓起孫

孟丙為孟大夫

杜大原孟縣

樂霄為

銅鞮大夫

杜上黨銅鞮縣

趙朝為平陽大夫

杜朝趙勝曾孫平陽平陽縣

僚

安為楊氏大夫

杜平陽楊氏縣

謂賈辛司馬烏為有力於王室

杜二十二年辛

故舉之

杜舉以宰邑賞其勤王之功

謂知徐吾趙朝



韓固魏戊餘子之不失職能守業者也

卿之庶子為餘子

其四

人者皆受縣而後見於魏子以賢舉也

杜四人司馬彌牟孟丙樂霄僚

安也受縣而後見言采衆而舉不以私也○見賢遍反

魏子謂成鱣

杜鱣晉大夫○鱣音郭又

甫轉反又音附

吾與戊也縣人其以我為黨乎對曰何也

林何

為黨也

戊之為人也遠不忘君近不偪同居利思義在約

思純

林其在疏遠不敢忘君其忠如此其在近密不偪

也其處窮約則思純正無僭濫之心也

有守心而無淫行雖與之縣不亦

可乎昔武王克商光有天下

林光大也以光大之德卷有天下○行下孟反其

兄弟之國者十有五人姬姓之國者四十人

林之往也按武王兄

弟封國者管蔡郕霍魯衛毛聃郇雍曹滕畢原豐郇凡十六人此言十五人紀載不同不必強為之說四十人

亦約言之

皆舉親也夫舉無他惟善所在親疏一也詩曰唯

此文王帝度其心莫其德音其德克明克明克類克長

克君王此大國克順克比比于文王其德靡悔既受帝

祉施于孫子

杜詩大雅美文王能王大國受天福施及子孫林帝上帝也言上帝實揆度文王之

心凡事皆得其中莫安定貌言德教之聲莫然清淨其德能如日月之明臨照物使皆得所不失其類能有長人之道能有君人之德故能興王於此周之大國能使天下順從又能比方善事而用之天下之人長短相成

能否相濟比方於文王之德其德皆合無有悔咎施猶廣也。唯此文王詩作唯此王季度待洛反莫亡白反

又如字長丁文反王心能制義曰度德正應和曰莫此按

以下覆解詩之九德言文王之心能制合宜之義是以帝度其心其德端正民皆應和是以莫其德音照

臨四方曰明勤施無私曰類杜施而無私物得其所無失類也。施式敗反教

誨不倦曰長教誨長人之道賞慶刑威曰君杜作威作福君之職也慈和

徧服曰順杜唯順故擇善而從之曰比杜比方善事使相從也經

緯天地曰文杜經緯相錯故織成文九德不愆作事無悔杜九德言人備德皆

無愆過則動無悔各故襲天祿子孫賴之杜襲受也主之舉也杜大主稱主

近文德矣所及其遠哉

杜舉魏戊等勤施無私也其四人者擇善而從故曰近文德所

反遠也

賈辛將適其縣見於魏子魏子曰辛來昔叔向適鄭

驪蔑惡

林驪蔑即鄭然明言其貌醜惡○驪于工反

欲觀叔向從使之收器

者

杜從隨也隨使人應歛俎豆者

而往立於堂下一言而善叔向將飲

酒聞之曰必驪明也

杜素聞其賢故聞其言而知之

下執其手以上曰

昔賈大夫惡

賈國之大夫惡亦醜也○上時掌反

娶妻而美三年不言不

笑御以如臯

杜為妻御之臯澤

射雉獲之其妻始笑而言賈大

夫曰才之不可以已我不能射女遂不言不笑夫今子

少不颺

林子謂醴蔑顏貌少不揚顯射食亦反女音汝下同夫音扶

子若無言吾幾

失子矣言之不可以已也如是遂如故知今女有力於

王室吾是以舉女

杜因賈辛有功而後舉之行乎敬之言人不可無能。幾音祈

哉毋墮乃力

杜墮損也。音無墮許規反

仲尼聞魏子之舉也以為

義曰近不失親

謂舉魏戊

遠不失舉

以賢

可謂義矣又聞其

命賈辛也以為忠

杜先賞王室之功故為忠

詩曰永言配命自求多

福忠也

杜詩大雅永長也言能長配天命致多福者唯忠

魏子之舉也義其命

也忠其長有後於晉國乎。冬梗陽人有獄魏戊不能

斷林魏戌為梗陽大夫望輕故不敢斷決其曲直○斷丁亂反以獄上杜上其大宗

賂以女樂杜訟者魏子將受之魏戌謂閻沒女寬二人

之屬大夫曰主以不賄聞于諸侯若受梗陽人賄莫甚焉吾

子必諫皆許諾退朝待於庭杜魏子朝君退而待於魏子之庭○聞如字又音問

饋入召之杜召二大夫食比置林自始食至食盡○比必利反三歎既食使坐

杜更命之令坐魏子曰吾聞諸伯叔諺曰唯食忘憂吾子置食

之間三歎何也同辭而對曰或賜二小人酒不夕食杜或

他人也饋之始至恐其不足是以歎林恐不足以飽其所欲中置

林至食  
及半

自咎曰豈將軍食之而有不足是以再歎

魏子中軍

帥故謂之將  
軍○食音嗣

及饋之畢願以小人之腹為君子之心屬

厭而已

杜屬足也言小人之腹飽猶知厭足君子之心亦宜然○屬之玉反厭於鹽反又於艷反

獻

子辭梗陽人

林悟二大夫規辭不受其賂傳言魏氏所以興也

左傳杜林合注卷四十二

欽定四庫全書

左傳杜林合注卷四十三

明 王道焜

趙如源 同編

昭公十

經

戊子

二十有九年春公至自乾侯居于鄆

以乾侯至不得見晉侯故

齊侯使高張來唁公

杜唁公至晉不見受高張高偃子

公如晉次于乾

侯

復不見受往乾侯

○夏四月庚子叔詣卒

無傳

○秋七月○冬

十月鄆潰

無傳民逃其上曰潰潰散叛公



傳二十九年春公至自乾侯處于鄆齊侯使高張來唁

公稱主君

林大夫稱主君比魯公於大夫也

子家子曰齊卑君矣君祇

辱焉

林言往事齊適取辱。祇音支

公如乾侯

杜為齊所卑故復適晉冀見恤

○三月

已卯京師殺召伯盈

林二十六年逐子朝者。召王照反

尹氏固及原伯

魯之子

杜皆子朝黨也稱伯魯子終不說學

尹固之復也

二十六年尹固與子朝俱奔楚

而道還

有婦人遇之周郊尤之曰處則勸人為禍行則數

日而反是夫也其過三歲乎

林言尹固處周則勸子朝為禍亂出奔則數日而亟

反是夫賤尹固之稱其能過三歲而不亡乎

夏五月庚寅王子趙車入于鄆

以叛陰不佞敗之

杜趙車子朝之餘也見王殺伯盈等故叛鄭周邑林陰不佞周大夫。鄭

列免反

○平子每歲買馬

杜賈買也。賈音古

具從者之衣屨而歸

之子乾侯公執歸馬者賣之

杜賣其馬。才用反下同。從

乃不歸馬

衛侯來獻其乘馬曰啓服

杜啓服馬名。如字又繩證反。乘

塹而死

杜墮

塹死也。塹士斬反。

公將為之櫛

杜為作棺也。如字又丁偽反。

子家子曰從

者病矣請以食之

林請以作棺之費飲食從者。食音嗣。

乃以幃裹之

禮曰

幃幃不棄為埋馬也。

公賜公衍羔裘使獻龍輔於齊侯

龍輔玉名遂入

羔裘

林公衍遂以羔裘總入為獻

齊侯喜與之陽穀

杜陽穀齊邑

公衍公

為之生也其母偕出

林公衍公為皆昭公子其初生時二母同出之產舍

公衍先

生公為之母曰相與偕出請相與偕告

杜留公衍母使待已共白公

三日公為生其母先以告公為為兄

林先告故公為為兄而公衍反為弟

公私喜於陽穀而思於魯

林昭公私以得陽穀為喜且追思失魯之禍

曰務

人為此禍也

杜務人公為也始與公若謀逐季氏

且後生而為兄其誣也

久矣乃黜之而以公衍為太子。秋龍見于絳郊

絳晉國都

○見賢通反下同

魏獻子問於蔡墨

杜蔡墨晉大史

曰吾聞之蟲莫知

於龍以其不生得也謂之知信乎對曰人實不知非龍

實知

杜言龍無知乃人不知之耳。莫知音智下謂之知實知同。

古者畜龍故國有

豢龍氏有御龍氏

杜豢御養也。

獻子曰是二氏者吾亦聞之

而不知其故是何謂也對曰昔有鸞叔安

杜鸞古國也叔安其君名。

○鸞力謬反。

有裔子曰董父

裔遠也玄孫之後為裔。

實甚好龍能求其

耆欲以飲食之龍多歸之乃擾畜龍

林擾順也乃順龍所欲而畜養之。

好呼報反耆時志反飲於鵠反食音嗣下同。

以服事帝舜帝賜之姓曰董氏

曰豢龍

豢龍官名官有世功則以官氏。

封諸醴川醴夷氏其後也

醴水上夷。

皆董姓。○醴子工反。

故帝舜氏世有畜龍及有夏孔甲擾于有帝

孔甲少康之後九世林四龍為帝賜之乘龍河漢各二一乘此言

天帝賜孔甲以四龍河漢之龍各有雌雄孔甲不能食

各二杜合為四○乘繩證反林孔甲得龍而不能飲食之而未獲豢龍氏有陶唐氏既衰其後有

劉累林陶唐堯所治地學擾龍于豢龍氏以事孔甲能

飲食之夏后嘉之賜氏曰御龍杜夏后以豕韋之後

更代也以劉累代彭姓之豕韋累尋遷魯縣豕韋復國

至商而滅累之後世復承其國為豕韋氏在襄二十四

年○更音庚龍一雌死潛醢以食夏后杜潛藏也藏以夏后

饗之既而使求之杜求致懼而遷於魯縣杜不能致龍

龍也故懼遷魯縣

自駭退也魯縣今魯陽也

范氏其後也

杜晉范氏也

獻子曰今何故無之

對曰失物物有其官官修其方

林好是物者必有其官守以主掌之居其官者

必修其方法以終始之

朝夕思之一日失職則死及之

杜失職有罪

失

官不食

杜不食祿

官宿其業

杜宿猶安也

其物乃至

杜設水官修則龍至

若

泯棄之物乃坻伏

林若泯滅棄絕其官守則其物乃坻止伏匿○坻音肯又丁禮反

鬱

湮不育

杜鬱滯也湮塞也育生也

故有五行之官是謂五官實列受

氏姓封為上公

杜爵上公

祀為貴神社稷五祀是尊是奉

杜五

官之君長能修其業者死皆配食於五行之神為王者所尊奉

木正曰句芒

正官長也取木生句

曲而有芒角也其祀重焉○句古侯反下同

火正曰祝融

杜祝融明貌其祀犂馬

金正

曰蓐收

杜秋物摧蓐而可收也其祀該焉○蓐音辱

水正曰玄冥

水陰而幽冥其祀修

及熙馬

土正曰后土

土為羣物主故稱后也其祀句龍馬在家則祀中甯在野則為社

龍

水物也水官棄矣故龍不生得也

棄廢也

不然周易有之

言若

不爾周易無緣有龍

在乾三三

乾下乾上乾

之姤三三

巽下乾上姤乾初九變○姤古

豆反曰潛龍勿用

乾初九爻辭

其同人三三

離下乾上同人乾九二變

曰見

龍在田

乾九二爻辭

其大有三三

乾下離上大乾九五變

曰飛龍在天

乾九五爻辭

其夬三三

乾下兌上夬乾上九變○夬古快反

曰亢龍有悔

乾上九爻

辭其坤三三

坤下坤上坤乾六爻皆變

曰見羣龍無首吉

乾用九爻辭

坤

之剝三三

坤下艮上剝坤上六變

曰龍戰于野

坤上六爻辭

若不朝夕

見誰能物之

物謂上六卦所稱龍各不同也今說易者皆以龍喻陽氣如史墨之言則為皆是真

龍獻子曰社稷五祀誰氏之五官也

問五官之長皆是誰

對曰少

皞氏有四叔

少皞金天氏少詩照反

曰重曰該曰修曰熙實能金

木及水

能治其官○重直龍反該古咳反

使重為句芒

木正

該為蓐收

金正

修及熙為玄冥

二子相代為水正

世不失職遂濟窮桑此其三

祀也

窮桑少皞之號也四子能治其官使不失職濟成少皞之功死皆為民所祀窮桑地在魯北

顓



項氏有子曰犁為祝融

犁為火正

共工氏有子曰句龍為后

土

共工在大皞後神農前以水名官者其子句龍能平水土故死而見祀。共音恭

此其二祀

也后土為社

方答社稷故明言為社

稷田正也

掌播殖也

有烈山氏之

子曰柱為稷

烈山氏神農世諸侯

自夏以上祀之

祀柱

周棄亦為稷

棄周之始祖能播百穀湯既勝夏廢柱而以棄代之

自商以來祀之

傳言蔡墨之博物 ○

冬晉趙鞅荀寅帥師城汝濱

趙鞅趙武孫也荀寅中行荀吳之子汝濱晉所取陸

地遂賦晉國一鼓鐵以鑄刑鼎

今晉國各出功名共鼓石為鐵計令一鼓而足

因軍役而為之故言遂

著范宣子所為刑書焉仲尼曰晉其亡乎

失其度矣夫晉國將守唐叔之所受法度以經緯其民

卿大夫以序守之

序位次也

民是以能尊其貴貴是以能守

其業貴賤不愆所謂度也文公是以作執秩之官為被

廬之法

杜僖二十七年文公蒐被廬修唐叔之法○被皮義反

以為盟主今棄是

度也而為刑鼎民在鼎矣

林民知爭端皆在鼎矣

何以尊貴

棄禮徵書

故不尊貴

貴何業之守

民不奉上則上失業

貴賤無序何以為國且夫

宣子之刑夷之蒐也晉國之亂制也

杜范宣子所用刑乃夷蒐之法也夷

蒐在文六年一蒐而三易中軍帥賈季箕鄭之徒遂作亂故曰亂制

若之何以為法蔡史

墨曰范氏中行氏其亡乎

蔡史墨即蔡墨

中行寅為下卿而干

上令擅作刑器以為國法是法姦也又加范氏焉

范宣子刑

書中既廢矣今復興之是成其咎

易之亡也

林是交易范氏速之使亡也

其及趙氏

趙孟與焉

林趙孟即趙鞅亦與於鑄鼎之役○與音預

然不得已若德可以

免

杜鑄刑鼎本非趙鞅意不得已而從之若能修德可以免禍為定十三年荀寅士吉射入朝歌以叛

經

已丑

三十年春王正月公在乾侯

釋不朝正于廟

○夏六月庚

辰晉侯去疾卒

杜未同盟而赴以名○

○秋八月葬晉

頃公

三月而葬速頃音傾

○冬十有二月吳滅徐徐子章禹奔

楚

杜徐子稱行以名告也

傳三十年春王正月公在乾侯不先書鄆與乾侯非公

且徵過也

杜徵明也二十七年二十八年公在鄆二十年公在乾侯而經不釋朝正之禮者所以

非責公之妄且明過謬猶可掩故不顯書其所在使若  
在國然自是鄆人潰叛齊晉卑公子家忠謀終不能用  
內外棄之非復過誤所當掩塞  
故每歲書公所在○徵直升反○夏六月晉頃公卒秋

八月葬鄭游吉弔且送葬魏獻子使士景伯詰之曰悼

公之喪子西弔子矯送葬

在襄十五年○詰起吉反矯居表反

今吾子無

貳何故

林貳副也吾子謂子大叔弔喪其使無有副貳

對曰諸侯所以歸晉君

禮也禮也者小事大字小之謂事大在共其時命杜

時共所求

○共音恭

字小在恤其所無以敝邑居大國之間共其

執貢與其備御不虞之患豈忘共命

言不敢忘共命以所備御者多不及

辨之○御

魚呂反

先王之制諸侯之喪士弔大夫送葬唯嘉好

聘享三軍之事于是乎使卿晉之喪事敝邑之間先君

有所助執紼矣

林知晉之有喪事其過鄭國閒暇之時鄭之先君亦有會葬于晉執紼者矣○

紼輓素也禮送葬必執紼○好呼報反間音閑下同紼音弗

若其不問雖士大夫有

所不獲數矣

林若遇鄭國多事之時雖欲使士弔大夫送葬亦有不得如先王之禮數者矣大

國之惠亦慶其加

杜慶善也謂善其君自行

而不討其乏明底其情

林底致也明致小國有無之情。底音旨

取備而已以為禮也靈王之喪

在襄

二十九年

我先君簡公在楚我先大夫印段實往敝邑之少

卿也

杜少年少也。少詩照反

王吏不討恤所無也今大夫曰女盍

從舊

杜盍何不也。女音汝

舊有豐有省不知所從從其豐則寡

君幼弱是以不共從其省則吉在此矣唯大夫圖之晉

人不能詰

傳言大叔之敏。省所景反下同。

○吳子使徐人執掩餘使

鍾吾人執燭庸

杜二十七。年奔故。

二公子奔楚楚子大封而定

其徙

杜大封與土田定其所徙之居

使監馬尹大心逆吳公子使居養

杜二子奔楚楚使逆之於竟也養即所封之邑○監古銜反

莠尹然左司馬沈尹戌

城之

杜城養

取於城父與胡田以與之

杜胡田故胡子之地

將以害

吳也

林將以為吳邊疆之害

子西諫曰吳光新得國而親其民視

民如子辛苦同之將用之也若好吳邊疆使柔服焉猶

懼其至

杜柔服謂不與吳構怨○好呼報反疆居良反

吾又疆其讐以重怒之

無乃不可乎

林讐謂二公子乃王僚母弟闔廬之仇也○重直用反

吳周之胄裔

也

林大伯仲雍周大王之子故為周之族胄遠裔

而棄在海濱不與姬通今而

始大比于諸華光又甚文將自同於先王

先王謂大王王季亦自西

戎始比諸華

不知天將以為虐乎使剪喪吳國而封大異姓

乎其抑亦將卒以祚吳乎其終不遠矣

林不知天意將使之為暴虐乎

使闔廬用兵以自剪削喪滅吳國而以其土地封大異姓諸侯乎或者其終以福祚吳國乎其行可知不久遠矣。喪我盍姑億吾鬼神也。而寧吾族姓以待其

息浪反歸杜善惡之歸

將焉用自播揚焉

播揚猶勞動也。馬於度反播被我反又波賀反

王弗聽吳子怒冬十二月吳子執鍾吾子遂伐徐防山

以水之

防壅山水以灌徐

已卯滅徐徐子章禹斷其髮

斷髮自刑示懼



○斷丁  
緩反

攜其夫人以逆吳子吳子唁而送之使其邇臣

從之遂奔楚

杜邇近也

楚沈尹戌帥師救徐弗及遂城夷使

徐子處之

杜夷城父也

○吳子問于伍員曰初而言伐楚

二在

十年○

余知其可也而恐其使余往也又惡人之有余

員音云

之功也林人謂王僚恐其使我帥師以伐楚又惡伐楚之功為王僚所有○惡烏路反

今余將

自有之矣伐楚何如對曰楚執政衆而乖莫適任患

林言

楚執政衆多而意向乖異不相統一莫肯為國家任患難○適丁歷反任音士

若為三師以肄

焉

肄猶勞也○肄以利反下同

一師至彼必皆出彼出則歸彼歸則

出楚必道敝

杜罷敝於道

亟肄以罷之

林亟數也數勞肄之使之罷敝。亟敝冀

反罷音皮

多方以誤之

林聲東擊西使之迷誤

既罷而後以三軍繼之

必大克之闔廬從之楚于是乎始病

杜為定四年吳入楚傳

經庚寅

三十有一年春王正月公在乾侯。季孫意如會

晉荀躒于適歷

林適歷晉地書公在乾侯季孫意如會晉子適歷以見晉人釋君而助臣也晉

士鞅會諸侯之大夫子扈將以納公取貨於季孫而遂不果荀躒復為此會昭公所以死于外也襄昭之際大

夫無君之禍晉人為之也

○夏四月丁巳薛伯穀卒

杜襄

二十五年盟重丘林獻公卒子襄公定立

○晉侯使荀躒唁公于乾侯

將使意如

迎公故荀躒來唁

○秋葬薛獻公

無傳

○冬黑肱以濫來奔

杜黑肱邾

大夫濫東海昌慮縣不書邾史闕文林傳言邾黑肱也其不係之邾濫嘗自別於邾也圍戚不曰圍衛戚取鄆不曰取我鄆皆如二君之辭也○濫力甘反或力斃反

十有二月辛亥朔日有食之

傳三十一年春王正月公在乾侯言不能外內也

公內不容

於臣子外不容於齊晉所以久在乾侯

○晉侯將以師納公范獻子曰若

召季孫而不來則信不臣矣然後伐之若何晉人召季

孫獻子使私焉曰子必來我受其無咎

言我為子受無咎之任

季

孫意如會晉荀躒于適厯荀躒曰寡君使躒謂吾子何

故出君有君不事周有常刑子其圖之季孫練冠麻衣

跣行

杜示憂感。跣素典反。

伏而對曰事君臣之所不得也敢逃

刑命

杜言願事君君不肯還不取辟罪

君若以臣為有罪請囚于費以

待君之察也亦唯君若以先臣之故不絕季氏而賜之

死

杜雖賜以死不絕其後。○費音秘。

若弗殺弗亡君之惠也死且不朽

若得從君而歸則固臣之願也敢有異心

杜君皆謂魯侯也蓋季孫

探言罪已輕重以答蒍躒

夏四月季孫從知伯如乾侯

杜知伯蒍躒知音智

子家子曰君與之歸一慙之不忍而終身慙乎

林一時慙恥不

能少忍與之歸國則身死  
于外將為終身之慙恥

公曰諾衆曰在一言矣君必

逐之

杜言晉既憂君君以一言使晉晉必逐之

荀躒以晉侯之命唁公且曰

寡君使躒以君命討於意如意如不敢逃死君其入也

公曰君惠顧先君之好施及亡人將使歸糞除宗祧以

事君則不能見夫人已所能見夫人者有如河

杜糞掃也已昭

公自稱林夫人謂季孫也言若見季孫已當受禍明如河以自誓。好呼報反夫音扶

荀躒掩耳

而走

杜怪公所言示不忍聽

曰寡君其罪之恐敢與知魯國之難

杜言恐獲不納君之罪今納而不入何敢復知耶。與音預難乃旦反

臣請復於寡君退

而謂季孫君怒未怠子姑歸祭

林言魯君忿怒尚未倦怠季孫且歸攝行君事

子家子曰君以一乘入于魯師季孫必與君歸

林勸公棄其從

者單車入于季孫之軍季孫見君單歸勢難拒絕必與君歸○乘繩證反

公欲從之衆從者

脅公不得歸

林衆從者恐公獨歸不得復入故脅制昭公杜傳言君弱不得復自任○衆從才用

反○薛伯穀卒同盟故書

杜謂書名也入春秋來薛始書名故發傳經在荀躒唁公

上傳在下者欲魯事相次

○秋吳人侵楚伐夷侵潛六

皆楚邑

楚沈尹

戍帥師救潛吳師還楚師遷潛於南岡而還吳師圍弦

左司馬戍右司馬稽帥師救弦及豫章

杜左司馬沈尹戍○稽音啓又

古今

吳師還始用子胥之謀也

謀在前年

○冬邾黑肱以濫

來奔賤而書名重地故也

黑肱非命卿故曰賤

君子曰名之不可

不慎也如是

杜是黑肱也

夫有所有名而不如其已

杜有所謂有地

也言雖有名不以無名已止也

以地叛雖賤必書地以名其人終為不

義弗可滅已

杜凡竊邑叛君者雖非命卿必書以某地以著其人之名終身為不義之人傳之萬

世不可泯滅

是故君子動則思禮行則思義不為利回

林先正其

心不以利欲陷身于回邪○為于偽反下同

不為義疚

杜疚病也見義則為之

或求名

而不得或欲蓋而名章懲不義也

林或本欲求名而春秋不書其名或本欲

隱蓋而春秋稱著其名所以齊豹為衛司寇守嗣大夫

懲戒不義之人誅其心也

守先人嗣言其尊作而不義其書為盜杜求名而不得也二十年豹殺衛侯兄欲求不

畏強禦名邾庶其在襄二十一年莒牟夷在五邾黑肱以土地出

求食而已林庶其以漆閭五年夷以年婁防茲黑肱以濫不過求食其地而已不求其名

賤而必書杜春秋叛者多唯取三人來適此二物者所魯者三人皆小國大夫故曰賤

以懲肆而去貪也杜物事也肆放也齊豹書盜懲肆也三叛人名去貪也若艱難

其身杜身為艱難以險危大人杜大人在位者而有名章徹杜謂得勇名

攻難之士將奔走之杜攻猶作也奔走猶赴趣也○難乃旦反若竊邑叛君



以徵大利而無名

杜謂不書其名。徵古堯反。

貪冒之民將寘力焉

盡力為之不顧於見書。○冒亡北反。又亡報反。

是以春秋書齊豹曰盜三叛人

名以懲不義數惡無禮其善志也

無禮惡逆皆數而不志記事之善者也。○

數所主反故曰春秋之稱

林稱權衡也。春秋權衡之法。○稱尺證反。

微而顯

文微而義

著婉而辨

辭婉而旨別上之人能使昭明

杜上之人謂在位者在位者能行其

法非賤人所能

善人勸焉淫人懼焉是以君子貴之

林善人得褒而知所

勸勉淫人畏貶而知所恐懼是以春秋之法為君子之所貴

○十二月辛亥朔日有

食之是夜也趙簡子夢童子羸而轉以歌

杜轉婉轉也。○羸力果反。

旦占諸史墨曰吾夢如是今而日食何也

簡子夢適與日食會謂咎

在已故問之

對曰六年及此月也吳其入郢乎終亦弗克

史墨

知夢非日食之應故釋日食之咎而不釋其夢曰郢以井反又羊政反

入郢必以庚辰

庚辰

有變日在辰尾故曰以庚辰定四年十一月庚辰吳入郢

日月在辰尾

辰尾龍尾也周十二月今

之十月日月合朔於辰尾而食

庚午之日日始有謫火勝金故弗克

杜謫

變氣也庚午十月十九日去辛亥朔四十一日雖食在辛亥更以始變為占也午南方楚之位也午火庚金也日以庚午有變故災在楚楚之仇敵唯吳故知入郢必吳火勝金者金為火妃食在辛亥亥水也水數六故六年也林午火勝庚金楚氣猶壯故終亦不克○謫直革反

經辛卯三十有二年春王正月公在乾侯取闕無傳公別居乾侯遣

人誘闕而取之不用○夏吳伐越林吳始○秋七月○

冬仲孫何忌會晉韓不信齊高張宋仲幾衛世叔申鄭

國參曹人莒人薛人杞人小邾人城成周杜世叔申世叔儀孫也國

參子產之子不書盟時公在外未及告公公已薨林諸侯有事于京師皆不書僖十三年十六年戊周不書襄二十四年城周不書以是為常事也書城成周則請而後城之是非常也是役也晉魏舒南面韓不信專執于京師宋仲幾不受功齊高張後大夫之無王甚矣其不曰京師而曰成周以見周與列國等耳○參七南反

○十有二月己未公薨于乾侯十五

日

傳三十二年春王正月公在乾侯言不能外內又不能

用其人也

杜其人謂子家羈也言公不能用人故於今猶在乾侯

○夏吳伐越始

用師於越也

自此之前雖疆事小爭未嘗用大兵

史墨曰不及四十年越

其有吳乎

杜存亡之數不過三紀歲星三周二十六歲故曰不及四十年哀二十二年越滅吳至此

三十越得歲而吳伐之必受其凶

杜此年歲在星紀星紀吳越之分也歲星

所在其國有福吳先用兵故反受其殃

○秋八月王使富辛與石張如晉

林富辛石張皆周大夫

請城成周

子朝之亂其餘黨多在王城敬王畏之徙都成周成周狹小故

請城

天子曰天降禍于周俾我兄弟並有亂心以為伯

父憂

杜俾使也兄弟謂子朝也伯父謂晉侯

我一二親昵甥舅不皇啓處

於今十年

謂二十三年二師圍郊至于今○昵女乙反

勤戍五年

謂三十八年晉籍秦

致諸侯之戍至于今

余一人無日忘之

杜念諸侯勞

閔閔焉如農夫之

望歲懼以待時

閔閔憂貌王憂亂常閔閔冀望安定如農夫之憂饑冀望來歲之將熟

伯

父若肆大惠復二文之業弛周室之憂

杜肆展放也二文謂文侯仇文

公重耳弛猶解也

徼文武之福以固盟主

林以固其主盟之權

宣昭令名

則余一人有大願矣昔成王合諸侯城成周以為東都

崇文德焉

杜作成周遷殷民以為京師之東都所以崇文王之德

今我欲徼福假

靈于成王修成周之城俾戍人無勤諸侯用寧螫賊遠

屏晉之力也

杜螫賊喻災害

其委諸伯父使伯父實重圖之俾

我一人無徵怨于百姓

杜徵召也

而伯父有榮施先王庸之

庸功也先王之靈以為大功

范獻子謂魏獻子曰與其戍周不如城

之天子實云

杜云欲罷戍而城

雖有後事

杜築城之後成有他變異之事

晉勿

與知可也從王命以紓諸侯晉國無憂是之不務而又

焉從事魏獻子曰善使伯音對

杜伯音韓不信。與音預紓音舒焉於虔反

曰天子有命敢不奉承以奔告于諸侯遲速衰序

杜衰差也

序次也。

於是焉在。

杜在周所命

冬十一月晉魏舒韓不信

如京師合諸侯之大夫于狄泉尋盟且令城成周

杜尋平丘

盟魏子南面

居君位

衛彪傒曰魏子必有大咎于位以令

大事非其任也

杜彪傒衛大夫林干犯君位以令城周之大事非其德之所能當也。彪彼蚪

反傒音兮

詩曰敬天之怒不敢戲豫敬天之渝不敢馳驅

大雅戒王者言當敬畏天之譴怒不可遊戲逸豫馳驅自恣渝變也

况敢干位以作大事

乎已丑士彌牟營成周

林士彌牟即士景伯

計丈數

計所當城之丈數也揣

高卑

林度高曰揣揣版幹高卑之宜。揣丁果反。又初委反。

度厚薄仞溝洫

杜度深曰

仞林度量本末厚薄之制仞溝洫  
深淺之準。度待洛反洫況域反  
物土方議遠邇杜物相也

相取土之方  
量事期知事幾  
計徒庸知用幾  
慮材用知費

而遠近之宜  
幾財  
書餼糧知用幾  
以令役於諸侯林號令於諸侯使供其役  
屬役

賦丈林屬所當役之數賦所  
書以授帥帥諸侯之大夫  
帥所類反

而效諸劉子杜效致也  
韓簡子臨之以為成命林韓簡子即

履其事以命諸侯  
經所以不書魏舒  
○十二月公疾徧賜大夫杜從公者  
大夫

不受賜子家子雙琥杜琥玉黽  
○琥音虎  
一環一璧輕服細好  
受

之大夫皆受其賜已未公薨子家子反賜於府人曰吾



不敢逆君命也大夫皆反其賜書曰公薨于乾侯言失

其所也

杜不薨路寢為失所

趙簡子問於史墨曰李氏出其君而

民服焉諸侯與之君死於外而莫之或罪也對曰物生

有兩有三有五有陪貳故天有三辰

杜謂有三陪蒲回反

地有

五行

杜謂有五

體有左右

杜謂各有兩

各有妃耦

杜謂陪貳妃音配

王有公

諸侯有卿皆有貳也天生李氏以貳魯侯為日久矣民

之服焉不亦宜乎魯君世從其失李氏世修其勤民忘

君矣雖死於外其誰矜之社稷無常奉

林奉之無常人言唯德也。從

子用反本  
亦作縱

君臣無常位自古以然

杜史墨跡古  
今以實言

故詩曰

高岸為谷深谷為陵

杜詩小雅言  
高下有變易

三后之姓於今為庶

主所知也

杜三后虞夏商林夏商周三后之子孫本高  
貴也今或降而為眾庶此言貴賤有時而變

易

在易卦雷乘乾曰大壯三三

乾下震上大壯震在天  
乾上故曰雷乘乾

之道也

乾為天子震為諸侯而在乾上君  
臣易位猶臣大強壯若天上有雷

昔成季友桓

之季也

林即公子友魯  
桓公之季子也

文姜之愛子也始震而卜卜人

謁之

杜震姪娠也謁告也  
○震如字一音身

曰生有嘉聞

杜嘉名聞於  
世○聞音問其

名曰友為公室輔及生如卜人之言有文在其手曰友

○詳見閔二年傳 遂以名之既而有大功於魯杜立僖公名武政反 受

費以為上卿

林僖公賜以汶陽之田及費在僖元年○費音祕

至於文子武子

杜文子行父武子宿

世增其業不廢舊績魯文公薨而東門遂殺

適立庶魯君於是乎失國

林文十八年公子遂殺惡及視而立宣公魯君於是始失

其國之權適丁歷反

政在季氏於此君也四公矣

林宣成襄昭

民不

知君何以得國是以為君慎罷與名不可以假人

杜罷車服

名爵號林惟魯公不能謹此初假季氏權至失政為所逐

左傳杜林合注卷四十三

欽定四庫全書

左傳杜林合注卷四十四 明 王道焜

趙如源 同編

定公一

公名宋襄公之子昭公之弟諡法安民大慮曰定

周

敬王十一年

鄭 獻公五年○魯定公九年獻公卒子聲公勝立

齊

景公三十九年

宋

景公八年

晉

定公三年。晉魏舒為政。是年卒。范鞅為政。定十四年。晉逐范中行氏。趙鞅歸于晉。自是晉知氏韓氏魏氏趙氏並彊。分

晉之勢成矣。

衛

靈公二十六年。

蔡

昭侯十年。

曹

隱公元年。魯定公四年。聲公弟露弑隱公。代立。是為靖公。定八年。靖公卒。子伯陽立。

滕

頃公五年。

陳

惠公二十一年。魯定公四年。悼公卒。子懷公柳立。定八年。懷公卒。子閔公越立。

杞

悼公九年。魯定公四年。悼公卒。子隱公乞立。是年七月。隱公弟遇弑。隱公自立。是為僖公。

薛襄公二年。魯定公十二年。襄公卒。比  
立。定十三年。比弒。惠公夷立。又名寅。

莒公郊

邾莊公三十三年。魯定公  
三年。莊公卒。隱公益立。

許許男斯十四年。魯定公六  
年。鄭滅許。以斯歸。元公成立。

小邾詳見昭  
公元年

楚昭王七年。魯定公四年。吳入楚楚令  
尹子常奔鄭。昭王復國。子西為令尹。

秦哀公二十八年。魯定公  
九年。哀公卒。孫惠公立。

吳閻廬六年。魯定公四年。吳入楚於越。入吳定十  
四年。於越敗吳於檣李。閻廬傷而卒。子夫差立。

越

允常○魯定公四年越入吳定十四年允常卒勾踐立吳闔廬聞允常死吳師伐越越勾踐襲敗吳于槓

李射殺  
闔廬

經

王辰

元年春王

公之始年而不書正月公即位

在六月故○三月晉人執宋

仲幾于京師

杜晉執人于天子之側而不以歸京師故但書其執不書所歸林大夫專執於是始

○幾  
音機

○夏六月癸亥公之喪至自乾侯

告於廟故書至

○戊辰

公即位

定公不得以正月即位失其時故詳而日之記事之宜無義例

○秋七月癸巳

葬我君昭公

公在外薨故八月乃葬

○九月大雩

無傳過也

○立煬宮

杜煬公伯禽子也其廟已毀季氏禱之而立其宮書以譏之○煬羊讓反○冬十月隕霜殺

穀無傳周十月今八月  
隕霜穀穀非常之災

傳元年春王正月辛巳晉魏舒合諸侯之大夫子狄泉

林狄泉在王城東將以城成周魏子涖政涖臨也代天子大夫為政衛彪僕

衛大夫曰將建天子杜立天子之居而易位以令非義也林以晉大夫代

周大夫為政是易位以號令諸侯大事奸義必有大咎晉不失諸侯魏

子其不免乎是行也魏獻子屬役於韓簡子及原壽過

杜簡子韓起孫不信也原壽過周大夫林屬役以役事託之也奸音干屬之欲反過古禾反而田於

大陸焚焉杜禹貢大陸在鉅鹿北嫌絕遠疑此田在汲郡吳澤荒蕪之地火田并見燒也爾雅廣平



曰還卒於甯

甯今修武縣近吳澤

范獻子去其柏椁以其未復命

而田也

杜范獻子代魏子為政去其柏椁示貶之

孟懿子會城成周

杜不書公未即

位林孟懿子即仲孫何忌

庚寅裁

裁設版築。裁才代反又音再

宋仲幾不受功曰

滕薛卿吾役也

杜欲使三國代宋受功役也林卿即小邾蕢號。○卿五兮反

薛宰曰

宋為無道絕我小國於周以我適楚

林絕我小國使不得自通於天子以

我服事蠻夷之楚

故我常從宋晉文公為踐土之盟

在僖二十八年曰

凡我同盟各復舊職若從踐土若從宋亦唯命

林若從踐土復

舊職以役於天子若從宋共舊職以役於諸侯惟晉所以命之

仲幾曰踐土固然

杜固曰從

葛薛葛為宋役薛宰曰薛之皇祖奚仲居薛以為夏車正杜皇大也

奚仲為夏禹掌車服大夫奚仲遷于邳杜邳下邳縣邳皮悲反仲虺居薛以為

湯左相仲虺奚仲之後○虺許鬼反相息亮反若復舊職將承王官何故

以役諸侯杜承奉也林若如踐土之言復其舊職當如奚仲仲虺奉天子為王官何故舍天子從宋

諸侯之服役仲幾曰三代各異物薛焉得有舊杜言居周世不得以夏殷

為舊○焉於虔反為宋役亦其職也士彌牟曰晉之從政者新

言范獻子新為政未習故事子姑受功○子謂仲幾歸吾視諸故府杜求故事

仲幾曰縱子忘之○子謂士彌牟山川鬼神其忘諸乎杜山川鬼神盟

所告士伯怒謂韓簡子曰薛徵於人杜典籍故事人所知也宋徵於

鬼杜取證於鬼神宋罪大矣且已無辭而抑我以神誣我也啓

寵納侮其此之謂矣林開寵過分則納受侵侮商書說命有此言今仲幾侮晉正合此義

必以仲幾為戮乃執仲幾以歸三月歸諸京師杜知以歸不可

故復歸城三旬而畢乃歸諸侯之戍林先是昭二十七年晉籍秦致諸侯

之戍于是至是歸之齊高張後不從諸侯杜後期不及諸侯之役晉女叔寬

曰周襄弘齊高張皆將不免杜叔寬女寬也○襄直良反襄叔違天

高子違人杜天既厭周德襄弘欲遷都以延其祚故曰違天諸侯相帥以崇天子而高子後期故曰

違天之所壞不可支也衆之所為不可奸也

為哀三年周人殺萇

弘六年高張來奔起

○夏叔孫成子逆公之喪于乾侯

杜成子叔孫婼之子

季孫曰子家子亟言于我未嘗不中吾志也吾欲與之

從政子必止之且聽命焉

林言子家羈屢諫昭公言我之事其所言皆與我志合我

欲用之使助為政子謂叔孫必留子家子勿聽其去諸臣之去留皆諮問於子家子聽從其命令○亟起冀反

中丁仲反子家子不見叔孫易幾而哭

幾哭會也不欲見叔孫故朝夕哭不同會

叔孫請見子家子子家子辭曰羈未得見而從君以出

杜出時成子未為卿○羈居宜反見賢遍反從才用反下同

君不命而薨羈不敢見

杜言未受昭公之命託辭以距叔孫叔孫使告之曰公衍公為實使羣臣

不得事君

二子始謀逐季氏

若公子宋主社稷則羣臣之願也

杜宋昭公弟定公

凡從君出而可以入者將唯子是聽子家氏

未有後季孫願與子從政此皆季孫之願也使不敢以

告

不敢叔孫成子名

對曰若立君則有卿士大夫與守龜在羈

弗敢知若從君者則貌而出者入可也

貌出謂以義從公與季氏無實

怒○守手又反

寇而出者行可也

杜與季氏為寇讐者自可去

若羈也則君

知其出也

杜君昭公

而未知其入也羈將逃也喪及壞墮公

子宋先入從公者皆自壞墮反

杜出奔。壞音懷。又戶怪反。墮徒回反。

六

月癸亥公之喪至自乾侯戊辰公即位

杜諸侯薨五日而殯殯則嗣子

即位癸亥昭公喪至五日殯於宮定公乃即位

季孫使役如闕公氏將溝焉

杜闕

魯羣公墓所在也季孫惡昭公欲溝絕其兆域不使與先君同林公氏猶言公之墓宅

榮駕鵠曰

生不能事死又離之以自旌也

杜駕鵠魯大夫榮成伯也旌章也林以自章其

逐君之惡。駕音加鵠五何反

縱子忍之後必或恥之

林後世子孫必恥其惡

乃

止季孫問於榮駕鵠曰吾欲為君謚使子孫知之

杜為惡謚

對曰生弗能事死又惡之以自信也將焉用之乃止

林信

明也。以自明其不臣之迹。○秋七月癸巳葬昭公於墓。

惡如字。又烏路反。馮子虔反。

道南。林雖不為溝，猶別葬于先君墓道之外。

孔子之為司寇也。

林在定公十年後。

溝而合諸墓。

林自昭公墓外為溝，使與先君墓合。明臣無貶君之義。

昭公出故季

平子禱于煬公九月立煬宮。

杜平子逐君懼而請禱於煬公。昭公死於外，自以為

獲福故立其宮。

○周鞏簡公棄其子弟而好用遠人。

杜蘭公周卿士遠人。

異族也。為明年鞏氏賊簡公。張本。○好呼報反。

經癸巳。

二年春王正月。○夏五月壬辰雉門及兩觀災。

無傳。

雉門，宮之南門，兩觀闕也。天火曰災。○觀，古亂反。下同。

○秋楚人伐吳。

杜蘧瓦稱人見誘以

敗軍。○冬十月新作雉門及兩觀。無傳

傳二年夏四月辛酉鞏氏之羣子弟賊簡公。傳言棄親用陳所以

敗也。○桐叛楚。林桐小國廬江舒縣西南有桐鄉。吳子使舒鳩氏誘楚人

楚屬國曰以師臨我。教舒鳩誘楚使以師臨吳。我伐桐為我使之無

忌。吳伐桐也偽若畏楚師之臨已而為伐其叛國以取媚者也欲使楚不忌吳所謂多方以誤之○為于偽

同反下。秋楚囊瓦伐吳師于豫章。從舒鳩言。吳人見舟于豫章

偽將為楚伐桐。杜實欲擊楚。而潛師于巢。杜實欲擊楚。冬十月吳軍楚師

于豫章敗之。林吳出不意攻楚師于豫章楚不忌吳故敗。遂圍巢克之獲楚



公子繁

杜繁守巢大夫

○邾莊公與夷射姑飲酒私出

林射姑邾大夫

出辟酒

○射音亦又音夜

闇乞肉焉奪之杖以敲之

杜奪闇杖以敲闇頭也為明年

邾子卒傳○敲苦

孝反又苦學反

經

甲午

三年春王正月公如晉至河乃復

無傳

○二月辛卯

邾子穿卒

杜再同盟○莊公卒子隱公乞立

○夏四月○秋葬邾莊公

六月乃葬緩

○冬仲孫何忌及邾子盟于拔

拔地闕○拔皮入反

傳三年春二月辛卯邾子在門臺

門上

臨廷闇以餅水

沃廷邾子望見之怒闇曰夷射姑旋焉

杜旋小

命執之見

其不潔  
執射姑

弗得滋怒自投于牀廢于鑪炭爛遂卒

廢墮也

先

塋以車五乘殉五人

杜欲藏中之潔故先內車及殉別為便房蓋其遺命。先慈薦反又

如字乘  
繩證反

莊公卞急而好潔故及是

卞躁疾也。好呼報反下同

秋

九月鮮虞人敗晉師于平中

平中晉地

獲晉觀虎恃其勇也

林觀虎恃勇故獲為五年士鞅圍鮮虞張本

○冬盟于郟

杜郟即拔也。郟音談

修邾

好也

杜公即位故修好

○蔡昭侯為兩佩與兩裘

佩玉也

以如楚

獻一佩一裘於昭王昭王服之以享蔡侯蔡侯亦服其

一子常欲之弗與三年止之唐成公如楚有兩肅爽馬

子常欲之

成公唐惠侯之後肅爽駿馬名肅如字人所六反爽音霜

弗與亦三年

止之唐人或相與謀請代先從者許之飲先從者酒

林偽

若受代而飲先從人以酒  
○從才用反飲於鴉反

醉之竊馬而獻之子常子常

歸唐侯自拘於司敗

杜竊馬者自拘

曰君以弄馬之故隱君身

杜隱憂約也

棄國家羣臣請相夫人以償馬必如之

杜相助也夫人

謂養馬者林言請相助養馬者養馬以償君  
必有駿馬如肅爽者○相息亮反夫音扶

唐侯曰寡

人之過也二三子無辱皆賞之蔡人聞之固請而獻佩

子子常

林不言裘承上文

子常朝見蔡侯之徒命有司曰蔡君

之久也官不共也

杜言楚所以禮遣蔡侯之物不共備故。共音恭。

明日禮不

畢

杜遣蔡侯之禮

將死

林將坐以死罪

蔡侯歸及漢執玉而沈曰余所

有濟漢而南者有若大川

杜自誓言若復渡漢當受禍明如大川。沈音鳩。

蔡

侯如晉以其子元與其大夫之子為質焉而請伐楚

杜為

明年會召陵張本。質音致。

經乙未四年春王二月癸巳陳侯吳卒

杜無傳未同盟而赴以名癸巳正月

七日書二月從赴林惠公卒子懷公柳立

○三月公會劉子晉侯宋公蔡侯

衛侯陳子鄭伯許男曹伯莒子邾子頓子胡子滕子薛

伯杞伯小邾子齊國夏于召陵侵楚

杜於召陵先行會禮入楚竟故書侵

林晉楚國交止此傳曰劉文公合諸侯至平丘而止則是役劉子為之也劉文定內難復辟于周而楚納子朝於是合十有六國之師伐楚雖五伯未有盛於此者也以周之不競而能合諸侯威於五伯俄而劉子卒君子蓋深悲之也

○夏四月庚辰蔡公孫姓帥師滅沈以沈子嘉

歸殺之

○姓音生又作生

○五月公及諸侯盟于臯鼬

杜召陵會劉子

諸侯摠言之也繁昌縣東南有城臯亭復稱公者會盟異處故林有晉侯在何以書公及諸侯盟非晉主盟也公會諸侯盟于薄公會諸侯盟于宋皆後至之文也非後至也而曰公及諸侯盟則以魯主之也是故書及劉卷卒諸侯無會同於是反杞伯成卒于會

無傳

○六月葬

特相盟者矣○鼬由又反

陳惠公

無傳

○許遷于容城

無傳

○秋七月公至自會

無傳

○

劉卷卒

杜無傳即劉蚡也劉子奉命出盟召陵死則天王為告同盟故不具爵林王卿士不卒有闕於

天下之故則卒之於襄王之難有王子虎焉於敬王之難有劉卷焉君子曰王室其庶幾乎而無救於周室故特卒之也司馬遷蓋知此者也於諸國世家多卒孔子知此者也○卷音權又卷勉反

○葬杞悼

公

無傳

○楚人圍蔡

不服故也

○晉士鞅衛孔圉帥師伐鮮虞

杜無傳孔圉孔羈孫士鞅即范鞅

○葬劉文公

無傳

○冬十有一月庚午

蔡侯以吳子及楚人戰于柏舉楚師敗績

杜師能左右之曰以皆陳

曰戰大崩曰敗績吳為蔡討楚從蔡計謀故書蔡侯以吳子言能左右之也囊瓦攝人貪以致敗不能死難罪

賤之柏舉楚地昭三十一年傳曰六年十二月庚辰吳其入郢今以十一月者并數閏林於是晉辭蔡侯天下諸侯無與憂蔡者而愬之吳吳子與師以伐楚是則夷狄憂中國也是故吳始稱子書戰書伐書敗績皆進吳而楚蒙瓦

楚蒙瓦出奔鄭

杜書名惡之

庚辰吳入郢

杜弗地曰入吳

不稱子史略文林郢楚都也入國不言邑入楚也而曰入郢非得國之辭也前曰吳子今日吳復從其舊號也會黃池書吳而已

傳四年春正月劉文公合諸侯于召陵謀伐楚也

杜文公王

官伯也晉人假王命以討楚之

久留蔡侯故曰文公合諸侯

晉荀寅求貨於蔡侯林

寅荀吳

弗得言於范獻子曰國家方危諸侯方貳將以

襲敵不亦難乎水潦方降疾瘡方起

林春雨正時故多水潦寒燠不常故

多疾疫

中山不服

杜中山鮮虞

棄盟取怨無損於楚

杜晉楚同盟伐之為

取而失中山不如辭蔡侯吾自方城以來楚未可以得

志

晉敗楚侵方城在襄十六年

祇取勤焉

林適以自取勤勞之辱○祇音支

乃辭蔡

侯晉人假羽旄於鄭鄭人與之

杜析羽為旌王者遊車之所建鄭私有之因謂

之羽旄借觀之

明日或旆以會

杜或賤者也繼旆曰旆令賤人施其旆執以從會示卑鄭

晉

於是乎失諸侯

傳言晉無禮所以遂弱

將會衛子行敬子言于靈

公

子行敬子衛大夫

曰會同難

難得宜

嘖有煩言莫之治也

林嘖至也



至有忿爭之煩言恐莫之能治○嘖仕責反一音責

其使祝佗從

杜祝佗大祝子魚○佗徒河反

從才用反下同

公曰善乃使子魚子魚辭曰臣展四體以率舊

職猶懼不給而煩刑書若又共二徼大罪也

林言臣展布四股之

力以率循大祝之舊職猶恐不能供給得罪以煩瀆於刑書若又使供二職是自要求其大罪也○共音恭下

同

且夫祝社稷之常隸也

杜隸賤臣也○夫音扶

社稷不動祝不

出竟官之制也

社稷動謂國遷○竟音境下同

君以軍行祓社釁鼓師

出先有事祓禱於社謂之宜社於是殺牲以血塗鼓皐為釁鼓○祓音弗徐音廢

祝奉以從杜奉

社主也○從如字又才用反

於是乎出竟若嘉好之事

杜謂朝會○好呼報反

君行師從卿行旅從

林二千五百人為師五百人為旅

臣無事焉

杜言臣無

與於從行之制

公曰行也及臯鼬

將

將長蔡於衛

欲令蔡先衛軟○長丁丈

反

衛侯使祝佗私於萇弘曰聞諸道路不知信否若聞

蔡將先衛信乎萇弘曰信蔡叔康叔之兄也

杜蔡叔周公兄康叔

周公弟

先衛不亦可乎子魚曰以先王觀之則尚德也昔

武王克商成王定之選建明德以藩屏周故周公相王

室以尹天下

杜尹正也相息亮反

於周為睦

杜睦親厚也以盛德見親厚

分

魯公以大路大旂

魯公伯禽也此大路金路錫同姓諸侯車也交龍為旂周禮同姓以封

分扶問反

夏后氏之璜

璜美玉名  
璜音黃

封父之繁弱

封父古諸侯也

繫弱大弓名  
父音甫下同繫扶元反

殷氏六族

林殷之遺民凡六族

條氏徐氏蕭

氏索氏長勺氏尾勺氏使帥其宗氏輯其分族將其類

醜

杜醜衆也林使帥領其同宗之親輯睦其分族之屬將帥其同類之衆○索素各反下同勺市灼反下同

輯音集又七古反

以法則周公用即命于周

杜即就也使六族就周受周公之法

制是使之職事于魯

共魯公之職事

以昭周公之明德

杜昭顯也分

之土田陪敦

杜陪增也敦厚也分封魯為大國土田增厚凡七百里○陪步回反

祝宗卜

史

大祝宗人大卜大史凡四官

備物典策

典策春秋之制

官司彛器

杜官司百官也

彘器常

因商奄之民

商奄國名也與四國流言或迸散在魯皆令即屬魯懷柔之

命

以伯禽

伯禽周公世子時周公唯遣伯禽之國故皆以付伯禽

而封於少皞之虛

少皞虛曲阜也在魯城內○少詩照反虛起居反下皆同

分康叔

康叔衛之祖

以大路少

帛績茂旃旌

少帛雜帛也績茂大赤取染草名也通帛為旃析羽為旌○績七見反茂步貝反又

音大呂

鐘名

殷民七族

林殷之遺民凡七族

陶氏施氏繁氏錡氏樊

氏饑氏終葵氏封畛土略自武父以南及圃田之北竟

畛塗所徑也略界也武父衛北界圃田鄭藪名○繁步何反錡魚綺反畛之忍反一音真

取於有閭

之土以共王職

杜有閭衛所受朝宿邑蓋近京畿林取其土地之入以供王室之職貢也

於相土之東都以會王之東蒐

杜為湯沐邑王東巡守以助祭泰山○相息亮

反 聃季授土

杜聃季周公弟司空○聃乃甘反

陶叔授民

杜陶叔司徒

命以

康誥而封於殷虛

杜康誥周書殷虛朝歌也林成王封康叔周公懼其幼弱作康誥以命之

皆啓以高政疆以周索

杜皆魯衛也啓開也居殷故地因其風俗開用其政疆理土地

以周法索法也○

分唐叔

唐叔晉之祖

以大路密須之鼓

密林

須國名昔周文王伐密須獲其大鼓

闕鞏

甲名

姑洗

鐘名○洗息典反

懷姓九宗職

官五正

杜懷姓唐之餘民九宗一姓為九族職官五正五官之長林杜云五官之長則謂五官之長子

孫耳典禮云天子之五官曰司徒司馬司空司土司寇鄭玄云此殷時制也然則殷時五官居在唐地世為貴

族以賜唐叔使主領之所以榮寵唐叔也或以  
為懷姓之內立五正使分主九宗未知誰是命以唐

誥而封於殷虛

杜唐誥誥命篇名也夏大夏今大原晉陽也

啓以夏政

亦因夏風

俗開用其政

疆以戎索

杜大原近戎而寒不與中國同故自以戎法

三者皆叔也

林周公康叔成王叔父唐叔康王叔父故曰皆叔

而有令德故昭之以分物不

然文武成康之伯猶多而不獲是分也唯不尚年也管

蔡啓商恭間王室

杜恭毒也周公攝政管叔蔡叔開道紂子祿父以毒亂王室。恭音忌間

間廁王於是乎殺管叔而蔡蔡叔

杜周公稱王命以討二叔蔡放也。蔡蔡

叔上素達反下如字以車七乘徒七十人

林尚書因蔡叔于郭鄰以車七乘杜與蔡叔車

徒而放之。  
乘繩證反

其子蔡仲改行帥德周公舉之以為己卿

士為周公臣。  
行卜孟反

見諸王而命之以蔡

杜命為蔡侯見賢通反

其命

書云

林尚書蔡仲之命

王曰胡

胡蔡仲名

無若爾考之違王命也

林

曰父死曰考

若之何其使蔡先衛也

林言康叔之明德如此蔡仲之恭聞如彼何可

使蔡先衛

武王之母弟八人周公為大宰康叔為司寇聃季

為司空五叔無官豈尚年哉

五叔管叔鮮蔡叔度成叔武霍叔處毛叔聃也

曹

文之昭也

文王子與周公異母昭上饒反說文作紹

晉武之穆也

武王

曹

為伯甸非尚年也

林曹伯以伯爵居甸服言小於晉文昭國反小武穆國反大故知非尚年

也今將尚之林今將以蔡叔為兄而先康叔是反先王也晉文公為踐

土之盟衛成公不在林僖二十八年衛成公時奔楚不在於會夷叔林即衛叔武

其母弟也猶先蔡踐王召陵二會經書蔡在衛上霸主以國大小之序也子魚所言盟軌之

次其載書云王若曰林時王子虎盟諸侯故稱王命晉重文公○重直龍反魯

申僖公衛武叔蔡甲午莊侯鄭捷文公齊潘昭公宋王臣成公○王或作

壬如呂期杜茲平公也齊序鄭下藏林反在周府可覆視也

吾子欲復文武之略林略道也吾子謂而不正其德將

如之何甚弘說告劉子與范獻子謀之乃長衛侯於盟



反自召陵鄭子大叔未至而卒晉趙簡子為之臨甚哀

曰黃父之會

在昭二十五年。說音悅為于。偽反下同。臨力鳩反。父音甫。

夫子語我

九言

杜夫子謂子大。叔。語魚據反。

曰無始亂

林無為禍首。

無怙富無恃寵

林富而好禮寵而不驕

無違同無教禮

林以欲從人執禮無失。叔五報反。

無驕能

杜以能驕人

無復怒

林復重也不重人之怒

無謀非德無犯非義

林不德之

事非所謀也不義之事非所為也傳言簡子能用善言所以遂興

○沈人不會于召陵

晉人使蔡伐之夏蔡滅沈秋楚為沈故圍蔡伍員為吳

行人以謀楚楚之殺卻宛也

在昭二十七年。員音云。

伯氏之族出

杜卻宛黨伯州犁之孫嚮為吳大宰以謀楚楚自昭王即位

林在魯昭公二十六年○犂力兮反詬普鄙反無歲不有吳師林自闔廬立始為三軍以犂楚

蔡侯因之以其子乾與其大夫之子為質於吳冬蔡侯

吳子唐侯伐楚

唐侯不書兵屬於吳蔡○乾其連反質音致

舍舟于淮汭

杜

乘舟從淮來過蔡而舍之○舍音敕置也又音捨棄也

自豫章與楚夾漢

林豫章漢東江

北地名吳自此與楚人夾漢水而軍

左司馬戌謂子常曰子汭漢而與之

上下

杜汭緣也緣漢上下遮使勿渡

我悉方城外以毀其舟

杜以方城外人毀吳

所舍

還塞大隧直轅冥阮

三者漢東之隘道○冥亡丁反或作寘之鼓反阮於懈反

子濟漢而伐之我自後擊之必大敗之既謀而行武城

黑謂子常

黑楚武城大夫

曰吳用木也我用革也不可久也

吳林

用木為兵椎鈍我用革為兵犀利不必久與相持

不如速戰史皇謂子常楚人

惡子而好司馬

杜史皇楚大夫司馬沈尹成。惡烏路反好呼報反

若司馬毀吳

舟于淮塞城口而入

杜城口三隘道之總名

是獨克吳也子必速

戰不然不免乃濟漢而陳自小別至于大別

禹貢漢水至大別南

入江然則此二別在江夏界。陳直觀反下同

三戰子常知不可欲奔

知吳不可勝

史皇曰安求其事難而逃之將何所入

林楚國安寧則求知其政事有

難則逃避以求免將入何子必死之初罪必盡說言致

國以安其身○難乃旦反死以

克吳可以免貪

十一月庚午二師陳于柏舉

杜經所以書戰二師

吳楚師闔廬之弟夫槩王晨請於闔廬曰楚瓦不仁杜瓦子常

名其臣莫有死志林君之視臣如犬馬則臣視君如國人故無死戰之志先伐之

其卒必奔而後大師繼之必克弗許夫槩王曰所謂臣

義而行不待命者其此之謂也今日我死楚可入也林言

古書所謂人臣之道見義則為有不待君命者今日之事正合此語若我致死必可乘勝以入楚國以其

屬五千先擊子常之卒子常之卒奔楚師亂吳師大敗

之子常奔鄭史皇以其乘廣死

杜以戰死。乘，繩。證反。廣，古曠反。

吳從

楚師及清發

清發水名

將擊之。夫槩王曰：「困獸猶鬪，況人乎？」

若知不免而致死，必敗我。若使先濟者知免，後者慕之，

蔑有鬪心矣。半濟而後可擊也。從之，又敗之。楚人為食，

吳人及之，奔食而從之，敗諸雍澁。五戰及郢。

林楚師將為食。吳人

追而及之。楚師奔走，不暇食。故吳人食其食而從之。已之杜奔，食食者走，不陳。故不在戰數。澁，市制反。

邛楚子取其妹季芊畀我以出。

林世族譜：季芊畀，我皆平王女也。服云：畀，我季

芊之字，未知孰是。

步睢

杜睢水出新城。昌魏縣東南至枝江縣入江，是楚王西走。睢

○芊面爾反，楚姓。

七餘反下同鍼尹固與王同舟王使執燧象以奔吳師杜燒

繫象尾使赴吳師驚却之鍼之林反庚辰吳入郢以班處宮以尊卑班

宮子山吳室子山吳子山處令尹之宮夫子夫槩王欲攻之林夫槩王

怒其軋已欲攻之懼而去之夫槩王入之杜入令尹宮也言吳

左司馬戍及息而還杜息汝南新息敗吳師于雍澨傷

杜司馬先敗吳師而身被創初司馬臣闔廬故恥為禽焉杜司馬嘗

廬臣是以今恥于見禽謂其臣曰誰能免吾首吳句卑曰臣賤可

乎林言我若戰死誰能取我首以免句卑吳人司馬曰

為司馬臣言我賤人也可用乎句古侯反

我實失子可哉

杜失不知子賢

三戰皆傷曰吾不可用也已句

卑布裳剄而裹之

司馬已死剄取其首○頸古頂反

藏其身而以其首

免

杜傳言司馬之忠壯

楚子涉睢濟江入于雲中

入雲夢澤中所謂江南之夢○

夢如字又音蒙

王寢盜攻之以戈擊王王孫由于以背受之中

肩王奔鄖鍾建負季芊以從

鍾建楚大夫○中丁仲反鄖音云從才用反下同又

如字由于徐蘇而從

杜以背受戈故當時悶絕

鄖公辛之弟懷將弑王

曰平王殺吾父我殺其子不亦可乎

辛蔓成然之子鬬辛也昭十四年楚

平王殺成然

辛曰君討臣誰敢讐之君命天也若死天命將

誰讐言詩曰柔亦不如剛亦不吐不悔矜寡不畏彊禦唯

仁者能之

杜詩大雅言仲山甫不辟彊陵弱。茹音汝矜古頑反。

違彊陵弱非勇

也乘人之約非仁也滅宗廢祀非孝也

弑君罪應滅宗

動無令

名非知也必犯是余將殺女鬪辛與其弟巢以王奔隨

吳人從之謂隨人曰周之子孫在漢川者楚實盡之天

誘其衷致罰於楚而君又竄之

竄匿也。知音智女音汝。

周室何罪

君若顧報周室施及寡人以獎天衷

獎成也。施以貶反。

君之惠

也漢陽之田君實有之楚子在公宮之北

杜隨公官也

吳人



在其南子期似王

子期昭王兄公子結也

逃王而已為王曰以我

與之王必免隨人卜與之不吉乃辭吳曰以隨之辟小

而密邇於楚楚實存之世有盟誓至於今未改若難而

棄之何以事君執事之患不唯一人

杜一人楚王○辟匹亦反難乃旦反

若鳩楚竟敢不聽命吳人乃退

鳩安集也○竟音境

鑪金初宦於

子期氏實與隨人要言

要言無以楚王與吳并欲脫子期○鑪本又作鑪

王使

見

王喜其意欲引見之以比王臣且欲使盟隨人○見賢通反

辭曰不敢以約為利

此約謂要言也此一時之事非為德舉故辭不敢見亦不肯為盟主○約如字又於妙反

王割子期

之心以與隨人盟

杜當心前割取血以盟示其至心

初伍員與申包胥

友

包胥楚大夫

其亡也

杜伍員出奔吳在昭二十年

謂申包胥曰我必復

楚國

復報也

申包胥曰勉之子能復之我必能興之及昭

王在隨申包胥如秦乞師曰吳為封豕長蛇以荐食上

國

杜荐數也言吳貪害如蛇豕○荐在薦反

虐始於楚寡君失守社稷越在

草莽使下臣告急曰夷德無厭若鄰於君疆場之患也

林吳有楚則與秦鄰○厭於鹽反疆居良反場音亦

遠吳之未定君其取分焉

杜與

吳共分楚地○分扶問反

若楚之遂亡君之土也若以君靈撫之世

以事君

杜撫存恤也

秦伯使辭焉曰寡人聞命矣子姑就館

將圖而告對曰寡君越在草莽未獲所伏

伏猶處也

下臣何

敢即安立依於庭牆而哭日夜不絕聲勺飲不入口七

日秦哀公為之賦無衣

杜詩秦風取其王于與師修戎戈矛與子同仇與子偕作與子

偕行。勺市灼反。又音灼為子偽反。

九頓首而坐

杜無衣三章章三頓首

秦師乃出

為明年包胥以秦師至張本

左傳杜林合注卷四十四